

910

vid. ut in membra quælibet, h. e. in fideles omnes, se postea diffunderet: sed etiam instar immensi *maris*, cum ipsi Spiritus datus sit sine mensura *Joh. III. 34.* ut per omnis generis rivulos, atque canales, per totum Ecclesiæ corpus, per universum terrarum, vel Ecclesiæ orbem dimanaret; vel instar *seminis*, ut innumerabiles *veritatis, & scientiæ, cognitionis & fiduciæ fructus* faceret: non enim pro *se*, sed pro *nobis* etiam hoc *oleum latitiæ* Christus accepit, quia noster *Christus* est, & nos confortari debemus *in Christo*, *II. Tim. II. 1.* tum quia *requievit super Eum Spiritus Domini, Spiritus sapientiæ & intellectus, Spiritus consilii & fortitudinis, Spiritus scientiæ & timoris Domini Esa. XI. 2.* tum quia secundum carnem suam factus est *plenus gratiæ & veritatis Joh. I. 14.* ut ex ejus plenitudine nos omnes accipiamus gratiam pro gratia, veritatem pro veritate, sapientiam pro sapientia, & sic etiam *Mnemosophiam paschalem. Joh. I. 16.* Falsum etenim est, quod *Christus* secundum *Humanam naturam* pro se tantum acceperit sapientiam, vel etiam quod *finita sapientiæ donum* saltem acceperit, quia *plenus est sapientiæ Luc. II. 40.* plenitudine non *accommoda*, sed *omnimoda*, non *humana*, sed *divina*, non *finita*, sed *infinita*: tum quia juxta *Paulum Col. II. 3.* *in Christo*, vid. secundum *Humanam naturam*, *absconditi sunt omnes thesauri sapientiæ & scientiæ*, qua ratione nobis etiam in *Christo Mnemosophia paschalis* est abscondita, nim. ut ex eodem nos discamus. (3) ratione *sparte*, quia *Christus* in *operibus officii*, non secundum *unam tantum naturam*, sive *divinam*, sive *humanam*, sed secundum *utramque* simul operatur, & sic factus est nobis à *DEO sapientiæ I. Cor. I. 30.* *sapientiæ spiritualis, sapientiæ paschalis, sapientiæ salutaris*, vel etiam *Mnemosophia paschalis*. Ipse nostra *via, veritas & vita Joh. XIV. 6.* *via* scil. ad *Mnemosophiam paschalem*, *veritas* per *Mnemosophiam paschalem*, *vita* in *Mnemosophia paschali*.

12. Dum autem v. 1. subinnuitur, nobis *in Christo Mnemosophiam Paschalem* contingere, sic particula *IN* non modo *generalem causæ principalis respectum* infert, sed etiam *specialem meritoria causæ statum* affert, sicut passim hoc indicatur, & sic